



10. november 2011

I henhold til § 37, stk. 1 i Forretningsorden for Inatsisartut vil jeg spørge Naalakkersuisut om følgende.

**Spørgsmål til Naalakkersuisut:**

**Nanortalimmi maanna tamat ornissinnaasaannik atorsinnaasaannillu errorsisarfeqannginnerata kingunerisaanik peqqinnissatigut eqqiluisaarnikkullu ajornartorsiortoqartoq ilisimaarilereerlugu aammalu TB-mik nappaatip akiorniarlugu suliniuteqarnermi errorsivimmik atugassaqarsinnaaneq pingitsoorneqarsinnaanngitsoq ilisimalereerlugu Naalakkersuisunut apeqqutigissavara Nanortalimmiut atugarliutigisaat qaangerniarlugu qanoq iliuuseqartoqalersaarnersoq?**

(Anders Olsen, Siumut)

**Tunggavilersuut:**

Ukiuni kingullerni kujataani TB-mik nappaalaneq qaffariarnikuusoq ilisimaaraarput. Eqqiluisaarneq aammalu errorsisisinnaaneq nappaammik qaangiiniarnermut pinaveersaartitsinermullu pingaaruteqarluinnartuusoq isumaqarpunga.

Illoqatigiippassuit imermik kuinnartumik peqanngillat aammalu errorsisarfirmik atugassaqaratik. Tujormineq aammalu errorsiffissaasinnaasunik allanut illoqutinut isumalluuteqaannarnerisa qaangerniarnerani pisussaaffeqarpugut iliuuseqarnissamat.

Taamaammat paaserusuppara inuiaqatigiit peqqinnerulernissaannut aammalu nappaatinik pinaveersaartitsiniarnermut iliuuseqarnissamat tunggassutigut Naalakkersuisut qanoq piumassuseqartiginersut, taamaassimappallu qaqugu iliuuseqarnialersaarnersut paaserusullugu.

Ilanngullugulu errorsisarfeqarneq pillugu innuttaasuniit naammagittaalliuutit tusagassiuutitigut sammineqarnerini Peqqissutsimut Naalakkersuisoq neriorsuuteqarpoq Ineqarnermut Naalakkersuisumut ajornartorsiut pillugu qaqilliiniarluni, taassumalu kingorna alloriaqqittoqarnissaa naatsorsuutigalugu. Taamaammat ilanngullugu paaserusunnarpoq tassunga suliamut qanoq angusaqartoqarsimangersoq.

Piumasaraara pisarnertut ullut suliffiusut qulit qaangiutsinnagit apeqqutima akereersimaneqarnissaa.